

نهاوند



الذكريات

ايامنا المتقدمة بالامنيات
العالية مثل السما لحظات
الغالية مثل الدموع الصاعداً لفوق
بجناح الدعاء الدافي المطور
والمعشب بصوت الامهات ..

الذكريات:

الراجلين وقادمين
العامرين القلب باعظم ماعرف نبضه
ودندن بالحنين
الغامرينه بالهدايا فوق ما يعجز بسد
الدين
ونفسهم من لوجوا له باليدين
التاركينه بين بين
الكاسرينه من عمر ماله مدى
ولا زمن .. ولا سنين
اللي تقسم فيهم
وتقسموا له / فيه / وياه الحياة
التاركينه للسؤال اياه :
(ليه) !
الاقرب الاغرب بتاريخه وهو يكتب
تفاصيل
ومحاصيل التجارب
وتعثرت روحه بأخرها بحفرة (آه) !

لليوم هذا لا تذكرتك :

اغمض بتنهيده
القاني على درب القصيدة
امشي لك على غصة سواحل طيرت
موالها

على بحة هجينية تفيض رمالها ..
تفجر الما تحت رجليها
وتظلما لحالها !

هي ما عرفت وما ملكت اشياء كانت
تختلف عن بعضها
الا عليك بحالها !

هي الوحيدة
الوحيدة من تضمد ما ينز
وما يسيل ومن الصدور
بكل شكل
وكل لون
وما تساقط من عيون
بلحنها
واغفي بحضنه

وتردني لي للحياة الخالية
الا من اللي فات لك
منك
معاك
وظل عندي : ذكريات !

آه .. يا مر الثواني

وانا اكتشفها
حتى صوتك كان يرجف
ما شعرت انه ف لحظة
لحظة غمض واحتواني
ما سكن فيني وقراني
ما لبسني
ما لمسني
ما رسمني .. واشتهاني
كان صوتك
ايه .. صوتك
في سفر عمري مواني
كان
لي طق المطر يفرح عشاني
كنت اذكره بذكرى حلوه
فا غربته
كنت ارتب له عيوني
من جنوني غرقته
كنت الملم من نهاري وانتظاري شرفته
كنت ابهر له صياحي
كنت أصب نجوم ليبي
فا استكانه رغبته
كنت حيره ف الرسائل
كان سايل في ضلوعي
فا البياض اللي تركني لصفحته
كنت أشوف الدنيا فيه
كنت افتش في هديله عن مطر
في كلامه عن سطر
في ظلامه أو غرامه عن تفاصيل و عذر
لبش كلما هبت غصون الثواني
ألقي روحي تنتظر
لبش كلما مرني الشوق ونساني
ألقي ف جروحي شعر
وينك انت يا حبيبي
ولا مثلي
صرت طيف إنسان ثاني
للمواني
للاغاني
للثواني .. والمطر

لي شعرت اني في قلبك
صرت طيف إنسان ثاني ..
يشبه اوراق الخريف
و لي ذكرت اني ف دربك
غنوه ضاعت
خطوة ينساها الرصيف
آه ..
آه .. من شوق الأغاني
لي تتأوب ضو قنديلك وتيلك
وش ديلك
لي نسيت ان العيون أفواه
واللمحة معاني
وش ديلك
لي خذتني ها الأمانى
آه .. يا مر الثواني
آه ..
من رعشة حناني
في ايديك
شارد احساسك / حنينك
اذكر
اني ما ابتعدت
بس شعرت برجفة البرد ف كباني
ما سأنتك
بس يبس في داخلي
غصن و مواويل و أغاني
ما رسمتك
بس تنبهت ان صوتك
ما هو صوتك
كان خالي من دفاه
كان بارد
حتى وردك فوق صمت الطاولة
ذابل شذاه
حتى عطرك
ما هو عطرك
كان باهت
كان نحلها
مثل شوقي يتيم
كان مثل الغيم
يمطر في عيوني
آه .. لو تدري بظنوني
مرة كانت قهوتي
وانا ارتشفها
مرة كانت حيرتي

بدر الدوسري

